

«4.000 € SARITAN - 80 OPARI-TXARTEL ZOZKATUKO DITUGU!» sustapenaren oinarriak

1.- ENPRESA ANTOLATZAILEA

Mendibil Merkataritza Guneko Jabeen Erkidegoak (aurrerantzean, MENDIBIL) sustapen bat egiteko asmoa du. Sustapen hori oinarri hauen arabera gauzatuko da.

2.- KANPAINAREN IRAUPENA.

Sustapena 2022ko urriaren 28tik azaroaren 24ra bitartean egingo da, bi egun horiek barne, Ezinbestean sustapena atzeratu, aldatu, bertan behera utzi edo errepikatu beharko balitz, sustapena jakinarazteko bitarteko beren bidez jakinaraziko da aldaketa hori, eta sustapenari bezainbesteko publizitatea emango zaio aldaketari.

3.- PARTE HARTZEKO LEGITIMAZIOA

Sustapen honetan parte hartzeko baldintzak dira adinez nagusia izatea eta Mendibil Merkataritza Guneko langilea ez izatea.

4.- LEHIAKETAREN FUNTZIONAMENDUA

Parte hartzeko, QR kode bat eskantatu behar da. Hori eginda, programak Mendibil Merkataritza Gunearen webgunera eramango du parte-hartzailea, eta eskatzen zaizkion datuak eman beharko ditu (izen-abizenak, NANA, emaila, jaiotze-data, herria), eta gero galdera bati erantzun.

Urrats horiek egin ondoren, 4.000 €-ko sarien zozketan sartuko da. Zenbateko hori 50 €-ko 80 opari-txarteletan dago banatuta.

Zozketak astean behin egingo dira, lau izango dira guztira, eta astero galdera aldatuko da.

Azaroak 4, ostirala – Opari-txartel batzuk zozkatuko dira urriaren 28tik azaroaren 3ra bitarteko asteko galderari zuzen erantzun dioten parte-hartzaile guztien artean.

Azaroak 11, ostirala – Opari-txartel batzuk zozkatuko dira azaroaren 4tik 10era bitarteko asteko galderari zuzen erantzun dioten parte-hartzaile guztien artean.

Azaroak 18, ostirala – Opari-txartel batzuk zozkatuko dira azaroaren 11tik 17ra bitarteko asteko galderari zuzen erantzun dioten parte-hartzaile guztien artean.

Azaroak 25, ostirala – Opari-txartel batzuk zozkatuko dira azaroaren 18tik 24era bitarteko asteko galderari zuzen erantzun dioten parte-hartzaile guztien artean.

Pertsona bakoitzak astean behin bakarrik parte har dezake.

Irabazleek email bat edo telefono-dei bat jasoko dute, suertatu zaien opari-txartela nola jaso behar duten azaltzeko. Bezeroak NANA erakutsi beharko du saria jaso aurretik.

Zozketan izena emanda, parte-hartzaileek oinarri hauetan adierazitakoa ezbairik gabe onartzen eta errespetatzen dutela joko da.

Ezingo dute parte hartu aurretik adierazitako baldintzak betetzen ez dituztenek, ez eta zozketa diseinatzeko, prestatzeko, abian jartzeko eta gauzatzen diharduten Mendibileko langileek ere. Debeku horren baitan geratzen dira langile horien senideak ere (ezkontideak, aurrekoak eta ondorengoak).

Promoziok iraun bitartean, parte-hartzaile bakoitzari (posta elektronikoko, telefono mugikorraren zenbaki eta NAN bera) astean behin parte hartzen utziko zaio, bitarteko elektronikoen bidez.

Parte-hartzaileek emandako informazio eta datu pertsonalak egiazkoak izan beharko dira. Bestela, zozketatik kanpo geratuko dira eta irabazitakoa jasotzeko eskubidea galduko dute.

Prozedura edozein izanik ere, guztiz debekatuta geratzen da proposatutako zozketaren mekanismoak eraldatzea edo eraldatzen saiatzea, batik bat saiakera horien helburua bada emaitzak aldatzea edo bitarteko elektronikoko edo desleial bat erabilita zozketaren baliozkotasuna edo irabazlearen izendapena aldatzea. Baldin eta parte-hartzaile batek iruzurra erabiltzen badu zozketan sartzeko edo itxuraz sari bat irabazteko, esate baterako bilaketa automatizatuta edo algoritmo bat erabilita, edo horretarako Mendibilek webgunean edo oinarri hauetan deskribatutako sistemaz bestelako bat erabiltzen badu, ez zaio saririk emango eta Mendibilek jabetzakoa izaten jarraituko du, Mendibilek parte-hartzailearen kontra har litzakeen bestelako neurrien kalterik gabe.

Era berean, Mendibilek beretzat gordetzen du artikulua hau eta zozketako oinarriak errespetatu direla egiaztatzen edozein baliabide erabiltzeko aukera, batik bat iruzurrik egiten ez dela bermatzeko, baina ez ditu nahitaz egiaztatzen beharko parte-hartze guztiak.

5.- SARIAK

Merkataritza Guneak 4.000 € zozkatuko ditu opari-txarteletan. Guztira, 80 opari-txartel zozkatuko dira, 50 €-koa bakoitza.

Opari-txartelak Merkataritza Guneako establezimenduetan erabil daitezke 2022ko abenduaren 15era arte, beranduenez ere.

Irabazle bakoitzari 5 opari-txartel emango zaizkio, 10 €-koa bakoitza. Opari-txartelean bertan jarriko du zer establezimendutan erabil daitekeen. Erositakoa txartelaren zenbatekoa baino garestiagoa bada, erosleak bien arteko aldea ordaindu beharko du. Ordea, merkeagoa bada, ez da dirurik itzuliko. Txartelak 2022ko abenduaren 15ean iraungiko dira.

Sariak Mendibil Merkataritza Guneako establezimenduetan kontsumitzeko dira. Irabazitako sarien harira, irabazleek ezingo dute inolako auzirik hasi, ez balio eskudirutan eskuratzeko ez aldatzeko edo trukatzeko, edozein arrazoi dela bide. Irabazleak argi eta garbi ezin badu saria erabili, hirugarren bati laga diezaioke, saria onartzeko baldintza berberetan. Edonola ere, saria Mendibilek aurreikusitako moduan erabiliko da.

Ez da onartuko sariaren inguruko erreklamazio edo kexarik Mendibil Merkataritza Gunea Jabekideen Elkartearen aurrean, eta horrek eskubidea gordetzen du saria balio bereko edo handiagoko beste bategatik trukatzeko, irabazleak erantzuteko aukerarik gabe.

Mendibilek ez du inolako erantzukizunik bere gain hartzen emandako saria erabiltzean gerta daitekeen edozein gorabehera edo kalterik dagokionez, eta irabazleak espresuki onartzen du hori.

6.- IRABAZLEEN IRUDI-ESKUBIDEAK

Diruzko sariak irabazten dituzten bezeroek modu eskusiboan lagatzen dizkiote Mendibili zozketa honetan ateratako argazki eta bideoak erabili, zabaldu, banatu, zuzenean komunikatu, erakutsi eta erreproduzitzeko eskubideak, helburu komertzial, promozional eta/edo kulturalekin edo zilegi den beste edozein helbururekin, eta onartzen dute argazki horiek zuzenean igotzea Mendibil Merkataritza Gunearen sare sozialetara. Lagatze hori Espainia guztian izango da balioduna, eta urtebeteko iraupena izango du, saria ematen denetik aurrera zenbatuta. Era berean, baimena ematen diote Mendibil Merkataritza Guneako Jabekideen Erkidegoari argazki horiek Mendibilen webgunean, Facebook kontuan eta Instagram kontuan argitaratzeko.

7.- DATUEN BABESA

Datuak babesteko araudiarekin bat, emandako datuak Mendibilen jabetzako fitxategi batean sartuko dira. Horren xedea da sustapen hau kudeatzea, bai eta etorkizunena egiten diren sustapen- eta merkataritza-ekintzen inguruko informazioa ematea, edozein bitartekoren bidez (elektronikoa izan zein ez).

Fitxategiaren arduraduna Mendibil Merkataritza Guneako Jabekideen Elkargoa da.

Parte-hartzaileek eskubidea dute datuetara sartzeko, horiek zuzentzeko, ezerezteko eta tratamenduaren kontra egiteko. Eskubide horiez baliatzeko, idatzi bat bidali behar dute helbide honetara: Arizmendi almirantearen kalea 9, 20302 Irun.

Eskaeran, informazio hau eman beharko da: – Izen-abizenak, NANa edo, dagokionean, enpresaren izena. – Jakinarazpenetarako helbidea. – Baliatu nahi den eskubidea eta eskaera xehatua. – Eskubide hori zer telefono-zenbakiri lotuta baliatu nahi den. Mendibilek konpromisoa hartzen du ematen zaizkion datu pertsonalak sekretupean gordetzeko eta konfidentzialtasunez tratatzeko, bai eta datuak babesteko araudiak (eta, batik bat, Datuak Babesteko abenduaren 13ko 15/1999 Lege Organikoak) ezartzen dituen antolakuntza eta segurtasuneko neurri teknikoak aplikatzeko.

8.- OINARRIAK ONARTZEA

Sustapen honetan parte hartzeak berekin dakar oinarri hauek guztiz onartzea. Oinarriak webgunean eta jarriko den postuan kontsultatu ahaliko dira. Mendibil Merkataritza Guneak beretzat gordetzen du edozein parte-hartzaile modu arrazoituan kanporatzeko, baldin eta iruzurra egiten badu edo sustapen honen funtzionamendu normal eta arauzkoa oztotzen badu, bai eta sustapen honen ondoriozko edozein gai ebazteko ere.

Sustapenean parte hartzeak berekin dakar parte-hartzaileek oinarri hauek guztiz onartze eta edozein gorabehera ebazteko Mendibilen irizpideei men egitea.

10.- LEGE APLIKAGARRIA ETA JURISDIKZIOA

Sustapen honen oinarriak Espainiako legearen arabera dira. Sustapen honetako alderdien arteko edozein argipen, gatazka edo auzi Espainiako legeen arabera erabakiko da, eta parte-hartzaileek espresuki onartzen dute Irungo

epaitegien jurisdikzioa, izan lezaketan beste edozein jurisdikziori uko eginik.

11.- PARTE-HARTZAILEEN DATUAK BILTZEN DITUEN FITXATEGI AUTOMATIZATU BATEN SORRERA

Sustapen honetan, deskribatutako funtzionamenduaren bidez, lehiaketan parte hartu duten bezeroen datu-base bat osatuko da. Mendibil Merkataritzak Guneak erabili ahalko du, barneko kontuetarako edo etorkizunean egiten diren sustapen-ekimenetarako, salbu eta, indarreko legediarekin bat, kontsumitzaileak adierazten badu ez duela Mendibilek etorkizunean egiten dituen sustapen-ekimenen berri izan nahi jakekideen elkargoaren bitartez. Edonola ere, bermatu egiten da datu pertsonalak tratatzean osoki beteko dela 15/1999 Legea, abenduaren 13koa, Datuak Babesteari buruzkoa, bai eta gainerako lege guztiak ere, batik bat parte-hartzaileak datuetara sartzeko eta horiek zuzendu, ezereztu edo horien aurka egiteko eskubideak gauzatzeari dagokionez.

Datuetara sartu, horiek zuzendu edo ezereztu eta horien aurka egiteko eskubideak gauzatzeko, idatzizko eskaera bat bidali beharko da helbide honetara: Mendibil Merkataritza Gunea, Arizmendi almirantearen kalea 9, 20302; idatzian eskatzailearen izen-abizenak adierazi eta NANaren fotokopia bat erantsi beharko da.

Sustapen honen irabazleen datuak, sariak lege ezarritako balioa gainditzen duenean, IRABAZLEAK izeneko fitxategira sartuko dira, kopuru jakin bat gainditzen duten sariak ematearen ondoriozko legezko betebeharrak betetze aldera (PFEZ aitortpena, organismo ofizialei jakinaraztea...).